

Broj:07-06-985-01-02/10
Mostar, 30.08.2010. godine

Na osnovu člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), te člana 29. stava (1) i (3), člana 31. stava (2), člana 37. stava (3) i člana 40. stava (5) Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), kao i člana 18. i člana 19., te člana 23. i člana 24. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05), Regulatorna komisija za električnu energiju u Federaciji BiH – FERK je na nastavku X. redovne sjednice, održane u Mostaru dana 30.08.2010. godine, donijela slijedeću

O D L U K U

Član 1.

Tehnička rasprava na temu revidovanog nacрта Pravilnika o izvještavanju održat će se dana 14.09.2010. godine u Mostaru, u prostorijama FERK-a, na adresi Blajburških žrtava 33, sa početkom u 10:00 sati.

Član 2.

Usvaja se tekst Obavještenja o tehničkoj raspravi, kako je predložen na dnevni red redovne sjednice, te će se ista objaviti u „Dnevnom listu“, „Dnevnom avazu“ i na web stranici FERK-a, na dan 06.09.2010. godine.

Obavještenje za javnost iz stava (1) ovog člana je sastavni dio Odluke.

Član 3.

Za realizaciju ove Odluke zadužuje se Sektor za tarife i Sektor zajedničkih poslova.

Član 4.

Ova Odluka stupa na snagu danom donošenja i objavljuje se na oglasnoj tabli i web stranici FERK-a.

Образложење

Članom 29. stavom(1) Poslovnika o radu FERK-a propisano je koje vrste javnih rasprava FERK može voditi tokom postupaka opisanih u Poslovniku, kao i da FERK zadržava diskreciono pravo da definiše vrstu rasprave koja će se provesti na bilo kojem postupku koji treba da se održi. Stavom (3) istog člana propisano je da je tehnička rasprava javna rasprava, koju organizuje i održava FERK u svrhu upućivanja proceduralnih ili suštinskih pitanja ka procesiranju istih, a s kojima se FERK suočava, te da tehnička rasprava može biti održana u svrhu rješavanja tehničkih pitanja u sklopu postupaka po pitanju tarifa ili izdavanja dozvola, ili bilo kojeg drugog postupka za koji FERK smatra da uključuje razmjenu informacija s FERK-om. Navedenim stavom propisano je i da tehnička rasprava može biti i stručna rasprava o nekom pitanju s kojim se susreće FERK.

FERK je na IV redovnoj sjednici održanoj 16.03.2010. godine usvojio revidovani nacrt Pravilnika o izvještavanju, a opća rasprava je održana 09.06.2010. godine u Mostaru. U skladu sa članom 40. stavom (5) Poslovnika o radu, FERK zadržava pravo da pored općih rasprava održi i tehničku raspravu u postupku donošenja pravila i propisa. Budući da je potrebno povodom tehničkih aspekata revidiranog nacrta Pravilnika o izvještavanju izvršiti razmjenu informacija s pozvanim stručnjacima, uočena je potreba održavanja tehničke rasprave, putem koje FERK ima mogućnost saznati stavove i mišljenja pozvanih stručnjaka o navedenom aspektu revidiranog nacrta Pravilnika o izvještavanju, a sve u cilju jedinstvenog evidentiranja sredstava, izvora sredstava, troškova, prihoda i rashoda na način propisan Odlukom o regulatornom kontnom planu („Službene novine Federacije BiH“ broj 58/08).

Zbog svega navedenog odlučeno je kao u dispozitivu ove odluke.

PREDSJEDNIK FERK-a:
Zdenko Šimunović s.r.